

譜序一

陳氏為吾邑望族 祠宇之建遍境內 而碁布也 問其宗支 則各祖 其祖一姓 若不相綴屬者然其故 何哉 惟無譜也 往歲余 館於尖鋒 古刹陳姓子弟多從余遊 陳生博菴亦與馬適有走涵乞余序者 則陳君愛吾家乘也 余既勉為之序 時博菴進而請曰 生祠亦有志譜牒矣 生先他曰 肯賜筆削乎 今博菴別余十餘稔 余糊口四方 前事恍若夢寐 忽博菴蹇裳而至 以族譜丐余 一言 余辭不獲 開其譜 權輿於 禹修公 其前未詳也 獨其載 仍禎公 原藉江西吉水 前明洪武二年為岳 廣文徙藉石門 於今傳世已二十代 余竊有感焉 夫元末九州 切四國 瓜分 陳友諒陷湖廣 方谷珍據東浙 吳楚之地 盡遭蹂躪 仍禎公以岳州學官 設非積德有素 而兼具智勇 安望其不沒於羣盜之鋒刃 以昌其後也 且石門為古天門 向隸岳州 仍禎公為巴陵縣教授 五百年前之事 幾同循蜚 疏紃之無徵 後人抱憾 夫非前未修譜之故哉 以前之未修者 為有憾 益知今日之修 為宜急 余查博菴族分十房 人丁繁衍 頭緒頗棼 摠理如克成及其姪賢臣 約同元坤 元相 有為 有鳳 賢奎 賢寅 元駕 元知 有源 三多 元登 元昌 三祖 元香 元亨 等 惟以樸誠 齊一衆心 卒能源源本本 以收敬宗睦族之美 則凡世之列膠庠 矜文墨者 其於譜係之有無 又當如何 余是以嘉其族輩之能以仁孝合族也 又嘉博菴之能踐其言而樂為之序也 後之繼起者 亦將有感於斯譜

光緒二十二年丙申 邑廩生劉麟書瑞齊氏贈序

譜序二

律有之三十年不修譜為不孝其所宜修者上以綿先人之血食下以廣後嗣之箕裘發乎孝慈之心而已余得於陳氏諸公有深契焉然贊襄雖幸多人而倡率必出一手于是共推有勳賢臣為族長惟臣性戇直素有鐵面風鄉里咸敬憚之然其孝慈之心有不容沒沒者光緒丙子年間公患家廟之頽壞必思有以葺之今之高其閭閥厚其垣牆者皆公之力也家廟既成而又慮人丁之繁衍也于是倡率諸俊秀共成斯舉不周歲而告竣苟非孝慈之心油然而生哉余之工是為人矣其閱人亦多矣終不若公等之舉為獨神因不揣固陋聊附數言於簡末使後之觀譜者知公之任怨任勞為有據焉

邑南銳吾氏田俊升拜撰